

Iluarsissut

Taarserpaa siunnersuut ulloq 18. aggusti 2017-meersoq.

Maannakkut iluarsissuteqarpunga ersersillugu maannakkut attaviitsuullunga. Taamaattumik "Demokraatit"-nik imaluunniit "uangut"-mik allannillit tamarmik taarserneqarput "uanga"-mik aamma "attaviitsoq"-mik. Iluarsiinerni siunnersuutip imaa allanngortinneqanngilaq.

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Qarasaasiami nassatassamillu nunatsinni kinaassutsimut ilisarnaammik peqalernissamut atatillugu inatsisiliornerup piaartumik aallartinneqarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut
(Inatsisartunut ilaasortaq Michael Rosing, Attaviitsoq)

Tungavilersuut

2016-mi Upernaakkut ataatsimiinnermi ima ittumik siunnersuuteqarpunga:

"UKA2016-mi Naalakkersuisut kalaallinut inuiaqatigiinnut attuumassuteqarnermut inatsisit malittarisassat pillugit nassuiaammik agguasseqqullugit qanorlu ataasiakkaarlutik tulluunnerannut nalilersueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuiaammi nalilerneqassaaq, innuttaasut pisortanut attaveqartarnerat oqilisarneqarsinnaanersoq kinaassutsimut uppernarsaat, nuna tamakkerlugu atuuttusaaq atorneqalersuuppat".

Siunnersuut Inatsisartuni akuerineqarpoq allanngortilaarlugu nassuiaat aatsaat 2017-mi Upernaakkut ataatsimiinnermi saqqummiunneqartussanngorlugu:

Nassuiaat qulequtaqartoq: " Inuiaqatigiinnut attuumassuteqarneeq aamma nuna tamakkerlugu kinassutsimut uppernarsaat pillugit nassuiaat" pissanganarpoq atuarlugu ersarissumik inernilerneqarsimalluni imaattumik:

"Naalakkersuisut naliliipput, nunatsinni kinaassutsimut ilisarnaatip innuttaasut pisortanut attaveqarnerat ajornaannerulersikkumaraa. Tamatumunnga tungaviuvoq ullumikkut assigiimmik periuseqartoqannginnera periarfissiisumik innuttaasut pisortanut ilisaritissinnaanissaannut. Qaavatigut innersuussutigineqarpoq, nunatsinni kinaassutsimut ilisarnaatip pisariaarutsissagaa najugaqarnermut uppernarsaat, ullumikkut assigiinngitsuni pissutsini piumasagaataasartoq. Aallaqqaammut pisariaqassaaq, inuit nunatsinni kinaassutsimut ilisarnaammut atugassanik paasisutissanik tunineqarnissaat. Tassani innersuussutigineqassaaq, innuttaasup paasisutissat piniassagai innuttaasunik sullissivimmuut Sullissivik.gl-mut."

Inerniliusseq ersarissiq nuannaarutigaara aamma isumaqarpunga naapertuutissagaluartoq piaarnerpaamik aallartittoqartuuppat. Nuna tamakkerlugu iliniarnaat innuttaasumut pisortallu oqartussaaffiitut iluaqutaasussaavoq.

Nassuiaammi atuarneqarsinnaavoq ilaatigut eqqarsaatigineqarsinnaasoq, nuna tamakkerlugu kinaassutsimut ilisarnaammik akiliilluni pitaartoqarsinnaanera. Uangani isuma tamanna akerleraara. Allagartaq innuttaasumut akeqartariaqanngilaq.

Naalackersuisut inassuteqaataasa tusarnissaanut qilanaarpunga taamatullu partiit allat inassuteqaataasa tuarnissaannut.

Aningaasatigut allaffissornikkullu pisortanut kingunerusussat

Inatsisiliorluni sulinermit aningaasartuuteqartoqassaaq. Ilinniagartuullu ukiup affaanut akissarsiarisartagaaniq qaffasinnerunavianngilaq, nassuiaasiornermit atatillugu misissuinerit annersaat pereermata. Nassuiaammi aamma atuarneqarsinnaavoq Naalackersuisut naatsorsuutigigaat ilisarnaammik naqiterinermit, qarasaasiami programminut allanullu aningaasartuutit 985.000 koruuninik amerlassuseqarumaartut. Taakkununga ilanngunneqassapput allaffissornermit ingerlaavartumik aningaasartuutaajumaartussat. Paarlattuanik nassuiaammi tikkuarneqarpoq innuttaasunik sullissineq pisariinnerulerumaartoq, tamatumalu pisortat allaffissornikkut sullissinerat oqinnerulersikkumaarpaa.

Aningaasatigut allaffissornikkullu sullivinnut namminersortunut kingunissai.

Soqanngilaq

Aningaasatigut allaffissornikkullu innuttaasunut kingunissai

Innuttaasunik sullissineq innuttaasullu pisortanut attaveqartarnerat pisariinnerulissaaq takukkit " Inuiaqatigiinnut attuumassuteqarneq aamma nuna tamakkerlugu kinassutsimut uppersaat pillugit nassuiaammi" inerniliussat. Inatsisartut aalajangissappassuk, pasimik tunniussinertut ilisarnaammik tunniussineq akeqartinneqassasoq, taava innuttaasut ataasiakkaat akiliisalertariaqassapput. Uangani isumaqatiginneqaara atuisartut akiliisinneqartalernissaat.